



Pou Piblikasyon Imedya: 22/09/2022

GOUVÈNÈ KATHY HOCHUL

GOUVÈNÈ HOCHUL ANONSE ARIVE PREMYE FLANM AK FLANBO DIRAB FISU AVAN JE MONDYAL INVÈSITÈ FISU 2023 YO NAN LAKE PLACID

Flame ak Flanbo FISU a retounen Etazini soti Torino, Itali

Pou premye fwa, yo pral pote flanm FISU a nan flanbo dirab san kabòn

Biy èpou Je Mondyal Invèsitè FISU 2023 yo nan Lake Placid disponib [isit la](#)

Foto flanm ak flanbo yo disponib [isit la](#)

Gouvènè Kathy Hochul te anonse jodi a arive premye flanm ak flanbo dirab FISU anvan Je Mondyal Invèsitè FISU 2023 yo nan Lake Placid (Lake Placid 2023 FISU World University Games) Nouvo konsepsyon inovan te devwale nan yon evènman nan Pier 45 nan Vil New York. Yon delegasyon ki te gen ladann reprezantan Eta New York, Konsèy Espò Adirondack, ak Vilaj Lake Placid te transpòte flanm senbolik la nan Vil New York, apre yon ekleraj seremonyèl nan Torino, Itali.

"Avèk arive flanbo FISU a, kounye a nou jis a kèk mwa pou nou montre New York yon lòt fwa ankò - fwa sa a kòm òganizatè Je Mondyal Invèsitè FISU 2023 yo nan Lake Placid", **Gouvènè Hochul te deklare.** "Jeux ane pwochèn yo pral plen eksitasyon ak inovasyon, gras ak envèstisman nan enstalasyon dènye kri Otorite Developman Rejyonal Olenpik nou yo ak enfrastrikti rejyonal yo, yon angajman solid pou dirabilite anviwòmantal, ak meday inik ki devlope an pati pa etidyan Alfred University ki baze nan New York yo. Mwen pa ka tann pou nou ouvri gwo eta nou an bay atlèt nasyonal ak entènasional yo ak odyans ki soti nan New York ak pi odela, epi akeyi tout moun pou yo fè eksperyans yon sezón ivè Eta New York pou tèt yo."

Pou pwemye fwa, yo ap pote Flanm FISU a nan yon flanbo dirab, ki pa gen okenn konbisyon aktyèl oswa flanm dife preznan. Olye de sa, limyè LED yo pwodui yon Flanm FISU ki byen klere nan yon prezantasyon san kabòn. Chanjman nan yon flanm dife san kabòn lan se yon pati nan konsantrasyon Je FISU 2023 yo nan Lake Placid sou dirabilite ak limite enpak klimatik.

Adirondack Studios nan Argyle, Konte Washington te kreye epi konstwi flanbo 22 pou la, se menm biznis ki te konstwi podyòm prim yo pou Je Olenpik Ivè 1980 yo. Flanbo ki

fèt sou mezi a gen ladan asye alonje, ki kouvri yon kò ble glasyal nan tèt li gen vè kristalen resikle, ki reprezante yon entèpretasyon atistik glas ak dlo.

Je Mondyal Inivèsitè FISU yo se pi gwo evènman ivè plizyè espò nan monn lan pou atlèt kolèj yo ant laj 17 ak 25 ane. Je FISU 2023 yo nan Lake Placid, k ap demare 12-22 janvye 2023 a, ta dwe atire 1,600 atlèt apati 50 peyi ak 600 inivèsite pou patisipe nan 12 espò ak 86 evènman, avèk yon kantite meday egal pou fanm ak gason.

Je FISU 2023 yo nan Lake Placid yo pral atire plizyè milye amatè ak fanatik espò ivè nan Lake Placid ak kominate ozalantou North Country yo, sa gen ladan Canton, North Creek, Potsdam, Saranac Lake and Wilmington, pandan atlèt elit sa yo ap batay pou meday nan eski alpin, biathlon, eski randone, curling (glise wòch), patinaj atistik, freestyle ak freeski, hockey sou glas feminen ak maskilen, konbine nòdik, patinaj vitès sou pis kout, so eski, planch a nèj ak patinaj (pis long).

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Je Mondyal Inivèsitè FISU 2023 yo nan Lake Placid pral dènye nan tradisyon rich New York la nan konpetisyon espò klas mondal la. Evènman tankou sa a atire vizitè entènasyonal yo eksploré kominate òganiztè yo, k ap sipòte ti biznis yo ak travay enpòtan pou endistri touris ak otelri a. Nou kontan re-akeyi jwèt yo, atlèt ak fanatik li yo, nan North Country nan janvye sa a."

Michael Pratt, ki se Prezidan & Direktè Egzekitif Jeneral Otorite Developman Rejyonal Olenmpik (Olympic Regional Development Authority, ORDA), te deklare, "Nou pa ka tann pou nou òganize Je FISU yo pou yon dezyèm fwa nan enstalasyon modènize nou yo ki yon fwa yo te itilize pou Je Olenpik Ivè 1932 ak 1980 yo. Avèk chak pwojè modènizasyon, priyore a se sou dirabilite ak diminye enpak klima nan aktivite ivè yo. Ansanm, ak inisyativ yo dwe aplike pou jwèt yo, nou espere ede edike epi vin yon resous pou lòt vil òganizatè yo."

Majistra Vilaj Lake Placid la Art Devlin, te deklare, "Nou kontan anpil dèské nou ramne flanm Je Mondyal Inivèsitè yo soti kote li te fèt nan Torino pou rive nan Eta New York, sa k ap prepare chemen an pou kontarebou jwèt nou yo. Lake Placid ak Torino pataje yon kosyon inik kote nou tou de te anime Je Olenmpik yo aj Je Mondyal Inivèsitè FISU yo. Nou pa ka pou nou retounen ospitalite yo nan mwa janvye a."

Direktè Egzekitif Konsèy Espò Adirondack (Adirondack Sports Council) la, Ashley Walden, te deklare, "Se te bèl bagay pou m te reyini ansanm ak FISU, University of Torino, ansanm ak fiti vil òganizatè Je FISU ivè yo, pou limen flanm FISU a epi kòmanse vwayaj li nan Eta New York."

Fanatik yo kapab swiv Je Mondyal Inivèsitè FISU 2023 yo nan Lake Placid sou Facebook, Instagram ak Twitter avèk [@lakeplacid2023](#) al [#lakeplacid2023](#).

Pou plis enfòmasyon sou Je FISU 2023 yo nan Lake Placid oswa pou achte biyè, ale sou www.lakeplacid2023.com.

###

Lòt nouvèl disponib sou sit www.governor.ny.gov
Eta New York | Cham Egzekitif | press.office@exec.ny.gov | 518.474.8418